

Was sonst anlanget die an ihrer eigen Weißheit / vnnnd
dem freyen fleischlichem Weltleben hangen / so sehen die-
selbigen nicht gerne Johann Arndten Christenthumb /
denn es kompt mit ihren Herzen / Sinn / Geist / Gedan-
cken / Willen vnnnd Liebe nicht vberlein. Du aber / lieber
Christ / werde nimmer eines mit dem schädlichen Stuel /
der das Gesez vbel deutet / vnd Warheit verwerffet vnnnd
lästert. Der HERR vnser Gott wolle vber vns das Liecht
seines Antlizes lassen je mehr vnd mehr herzlicher auffge-
hen / zu seines Namens Ehr / vnd vnserm seligen Nutz : Er
wolle auch den Blinden die Augen auffthun / daß sie das
Liecht sehen mögen vnnnd die Warheit erkennen : Er
wolle auch die der Warheit muthwillens widersprechen
vnd widerstreben / begegnen vnd ihr fürnehmen vnnnd
Gedancken / nach seiner Gerechtigkeit zu nichte machen /
daß sie erkennen / daß diß Werck vnd Hand Gottes sey /
A M E N.

Paulus Egardus.

Zm